



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt VII. Copiarum, & Legati traiectio. Sessio prorogata. Poli morbus,
adeoque dimissa Legatio. Montanum inter ac Madruccium dissidia.

urn:nbn:de:hbz:466:1-11642

1546.

C A P V T VII.

Copiarum, & Legati traiectio. Sessio prorogata. Poli morbus, adeoque dimissa Legatio. Montanum inter ac Madruccium diffidia.

AT quod rerum seriem resumamus, 13. Iulij Tridentinus cum insigni nobilium virorum comitatu obuiam Farnese Legato processit Roueretum usque, oppidum haud longe potum, vbi Farnesium tertiana febris inuaserat. Interea ad Mufatum pagum, duobus a Tridento passuum millibus distante, & iustrata Pontificiae copiarum, & traiectae. b Ibi opiparo coniuio a Madruccio excepti Purpurati omnes, Octavius Farnesius, supremus militum dux, Ioannes Baptista Sabellus, summus equitum magister, Alexander Vitellius, Praefectus peditum, Julius Vrinius, Fredericus Sabellus, & Sfortia Pontificis nepos, tribuni militum, aliisque præterea supra sexcentos, seu manipulorum duces, seu nobilitate clari, qui omnes mensæ assiderunt. Prandum insuper militare vniuersis copiis distributum, qua duodecim peditum milia, & octingentos Italicos equites complectebantur, præter quingenitos voluntarios milites, qui seu studio Religionis, seu glorie deinde gratis confluxerant. Mox eodem die instructis ordinibus exercitus prope Tridentina mœnia iter fecit, & quinto procul lapide ad Lanum pagum confedit.

Substiterat morbi causâ Farnesius Rouereti, quod illius inuisendus gratia Cardinales omnes Tridente se contulerant: & inter eos Catinus, vetus Farnesi familiaris, voluit commorari ibi ad curandam amici valetudinem, ratus, in eo grati animi officium vna cum publico bono coniungi. Polus ante mensem ex infirma valetudine Patauium abierat, cui communicabant ibidem a Collegiis graviora negotia, ac præsertim digestum Decretum de Iustificatione, & eiusque sententia libenter excipiebatur: cum tamen is minime conualeseret, Legatione solitus est, Romamque reuocatus. Hinc Montanus non primus modo, sed vnicus Concilio praefuit, cui non modicam incusserant solicitudinem inopinata Pontificis sensa, recentibus literis sibi prescripta, quibus Sessionis prorogationem improbabat. Idcirco in Coœtu dier 28. adeoque pridie pretutæ Sessionis, nondum plenè habita suffragatione de Decreto dogmatis, multoque minus enucleato Episcoporum in suis Ecclesiis mansionis negotio, Legatus ipsos Patres prius testes appellant inde-

a Quæ sequuntur, exstant in Actis Massarelli, & in 2. parte Actorum in Arce S. Angeli.
b 16. Iulij, ut in Diario Massarelli.

c 28. Iunij, ut in Actis Massarelli.
d Apparet ex Literis Poli ad Legatos, 5. 9.
& 18. Octobris anno 1546. inter monumenta Ceruino-rum.
e 27. Octobris 1546. ex Actis in Arce S. Angeli.



indefessi laboris operi assidue impensi, vel per illud triduum, quo supremus militum duxtor, ac Pontificis copiae sunt exceptæ. Adiecit; Quamquam argumenti difficultas & amplitudo obstitissent, ne omnino per id temporis absoluerebatur, & quæ Sessioni paranda erant periferentur; tamen posse illam haberi omisâ rituum pompâ, cuiusmodi erant solenne Sacrum & Concio, conuocatiisque postridie manè Patribus, quod tandem deliberarent de præparatis Decretis, quæ tria capita iam proposita, & per priuatos publicosque conuentus expensa complectebantur. Duplici ex causa ad id se pronum ostendit: Primò, quod per literas exceperat, Pontificem à prorogatione plurimum abhorre: deinde, quod Româ pariter à viris probatissimis significaretur, designatam Decretorum formam planissimè ibi probari, vnde cò securius eam stabiendum esse.

At contrà Pacecus ait: Libenter se in Legati sententiam iturum, vbi per conscientiam liceret: sed plura summoperè obstat; potissimum verò, quod multa quæ definienda essent, nondum omnino Patrum trutinâ in conuentibus expensa fuerant; nec posse unico matutino cœtu pro dignitate perpendi. Satus itaque videri, si Sessio ad propinquum certum diem differretur. Hanc sententiam communiter fecerunt amplexi Patres. Asturiensis ac Pacensis addidere: Quando statutum fuerat, coniunctim de Fide ac moribus progradientur, haud se intelligere, quinam Sessio celebrari posset, vbi de moribus vix leuiter actum fuerat.

⁴ His Montanus reposuit; Ex animi sui consilio manum statim postea impositum iri morum restitutioni, ne Synodi promissis derogaretur: cum tamen animaduerteret, Patrum vota communiter ad prorogationem inclinari, se neutiquam obstatum. Solum itaque superesse, certone an incerto die Sessio habenda. Incertum sibi probari: nam si certus præfigeretur, vel propinquum eligerent, & res, præsertim ad emendationem spectantes, nondum adeo discussæ forent, vt discrimen vitarent ne fortè ad aliam prorogationem convergentur, auctoritatis constantiaque iacturâ: vel remotiorem statuerent, & interea Patres armorum metu iam nimium commotos inde dilapsuros, indecorâ Concilio Patrum infrequentia relictâ, non sine periculo numquam amplius eos recuperandi. Conducibilius sibi videri, in arbitrio Patrum reponere, vt quâ liberet die Sessionem indicerent, capturi consilium & ab rerum in cœtibus, & ab armorum in Germania statu.

Sed his pariter Pacecus obstat: Semper ad id usque temporis certum diem Sessionibus præscriptum; consuetudinis mutatione

Zzzz 3 graui-

1546. grauitatem haud præ se ferri; præcipue verò, vbi peculiaris esset ratio illius retinenda. Etenim potius quod est incertum quandam futurum sit, concipi ab hominibus quasi incertum an sit futurum: concipi quidem certè ceu remotum, adeoque ante mentis oculos eam tenuem rei speciem obuersari, quam remotiora praedunt. Quamobrem, si ad incertum diem Sessio indiceretur, id planè quod euitabatur effectum iri, Episcopos videlicet dilapserit.

Idem sensere Aquensis & Turritanus, qui ad timidiors penitus sacerdos coërcendos Synodus cohortabatur. At Corcyrensis, in iis quæ paulò antè significauerat obfirmatus, iteravit. Sibi opportunius videri de discessu vel translatione confilium habere, nè dum ipsis de Iustitia, quâ renascitur impius, agitarent, incaute ab impiis opprimerentur.

Pacecus satis gnarus quâm id permolestum Cæsari fore, sibi temperare non potuit, quin Præfulem obiurgaret, cur dere, quia à Præside non rogabatur, sententiam diceret: vnde aliqua inter eos exorta alteratio.

Post hæc dicturus ex ordine Materanus, Corcyrensis sententiam pluribus comprobauit: Perinde esse ibidem persistere, ac Deum tentare, & vniuerlam Ecclesiam palmari dedecori exponere. Perspicuum sibi esse, licere Patribus inde secedere: tanti siquidem discriminis metu absentes absque dubio excusari ne accederent, presentes igitur, ne persisterent: alioqui peioris fore conditionis obsequentes, quâm contumaces. Percipi à se non posse, quo pacto contingere, aliquos ibi esse, qui Concilium id temporis Tridenti vellent, cuius Concilij auctoritas in Patrum frequentia potissimum illata est; eam verò in dies minui. Dubium sibi non esse, quin Cæsar, si rem pernosset, primus omnium translationem aliò comprobaret, vbi honestius utiliusque considerent.

Eò impatientius Materani verba Pacecus audierat, quod persuadendum efficaciora metuebat, & quod etiam addicitionem Caroli sensis hominem fore, cum Familia tum Ecclesia suæ causâ, putabat. Vbi verò Cæsarem ipsum quasi haud contraria cupientem appellari ab eo sensit, vim sibi amplius adhibere non valuit, quin fere riùs in Materanum exclamaret: *De propositis rebus loquere, & de Cesare, quod ignoras, omittre.* Tum ad Præfudem conuersus, significauit, illius esse, Patres continere, ne extra rem propositam euagarentur.

Suum quisque imperium negligi libenter finit in eo, quod agro animo imperat. Montanus itaque, cui querelæ Sarraceni minime displicebant, quique haud grauatè tulisset, si ab Episcoporum im-

* In Cœtu
17. die ha-
bito.

Historie
Concilij Tri-
dentini
Pars I.
LV
5.



petu grata quedam violentia Legatis ac Pontifici sic inferretur ad aliò deportandum Concilium, ut Cæsari de ipsis iure conqueri non liceret; init tunc cum Paceco item, qualis aduersantem priori inter eos controversia, de singulorum ad dicendum extra rem propositam libertate. Respondit itaque, Sui non esse consilij, Episcopos impedire, ne quid fecerint libere promerent; neque pariter à Paceco impediendos: Sarracenum minus reuerenter de Cæsare haud locutum, vt proinde corrigendus videretur: quod is attigerat, alienum à re proposita omnino non esse: & vbi ratio haberetur communis Patrum incolumitatis, par etiam fuisse, vt externo cuiquam aures præberent. Ex aduerso vlique adeò Pacecus excanduit, & cum ipso Hispanorum nonnulli, ac præcipue Stabiensis, vt pœnè in tumultuationem res abierit: cùm à Legato compressa, rogata ordine Patrum sententia. Plerique cum Paceco conuenere de certo Sessioni die indicendo; sed inter se seligendo discrepabant in eo.

⁸ Denique Legatus dixit, Cùm iam senior esset hora, & adeò variarent sententiae, nihil posse eo die confici; sed re Collegis communicata, in alio cœtu postea deliberandum quid expediret: non tamen cuiquam denegandam formidandi libertatem; cùm huiusmodi animorum motus ne ipsis quidem mancipiis prohiberi consuerint: quin potius agendas gratias cuiuscumque monenti, quæ ad communem salutem spectarent. Sibi non esse in animo Concilium dimittere: cohortari se potius Patres ad laborum tolerantiam, constantiamque aduersus discrimina: sed cùm humanæ leges neminem ad ea compellant, quæ supra modum ardua existimantur; haud pariter æquum sibi videri, pœnam in eos statui, quibus inter angustias deeset animus ad persistendum paratus.

Obiecit Pacecus, Nisi certus præscriberetur dies, Concilium dissolutum iri Cæsare invito, qui nolebat Synodus nec intercepte continuari, nec aliò transferri: *Quod, inquit, ex certa notitia confirmo, non ex opinione, ut Materanus.* Tum Legatus, periculum ait disoluendi Concilij non impendere ex incerto Sessionis die, sed ex armorum circumstrepentium terrore.

⁹ Post multa dimissus conuentus: sed intra biduum denuò * co- * 30.Iulij. actus, acerbius certamen habuit. Nam recitato perpensoque Iustificationis Decreto, quod Bituntinus parauerat, indixit Præses, vt futuro conuentui vñusquisque ad ferendam sententiam paratus ad esset de quibusdam articulis in eo contentis: cumque iam Patres dimissurus esset, Pacecus oblitus, affirmans indicendam esse in diem certum Sessionem; numerata siquidem à nonnullis suffragia superioris

1546. rioris congressus illi sententia plura fauere. Contrà Montanus, Oppositam sententiam vno vel altero suffragio dumtaxat ab ea separari; atque in tam exigua numeri inæqualitate habendam alio de rationem ponderis, quod accedebat ex Legati suffragio: præfertim vbi res ad agendi ritum spectaret, in quo peculiarem potestem Præfides obtinebant. Hic nouo se aculeo punctum tensit Paecus; iniuria quippe sibi ducebat, sententiam quam tuebatur, pauci ponderis haberet, ex conditione fautorum: negabatque, in eisdem iurisdictionem Legatis ea per se statuendi quæ Patrum iudicio confirmisissent.

Ambo vicissim incauerant, sed intra fines urbanitas, cum u Madruccius, postquam postremo loco Legatus dixerat, intercessit. Eisque plane idem contigit, quod illis qui studentes aliorum item dirimere, ipsi præcipue liti succedunt. Perhorresco, inquit, cum inter vos summos Patres aliquid iracundius obstrepet: proinde vos rogo, uti fidatius, magisq; Christianè colloquamini. Me quoque hominem esse nosllet, & lacepsum quandoque ea promovere, que me postmodum dixisse penitent. Quibus verbis quasi diuinare vilus est, quod mox plane futurum erat.

Hifce monitis commotus Montanus, perinde quasi alieni contentionis indigus notaretur, vbi communis ipse omnium censor ac norma esse deberet, Evidem, respondit, nullius verbi mihi cognoscum, quod minus pie, minus Christianè protulerim. Sed iam animaduert, me non tam alii præesse, quam magistro subesse. Quod si blandiorem loquendi rationem à me quisquam exigat, eamdem pariter ipse mecum adhibeat.

Neque minus eâ responsione perstrictum se Madruccius fensit, qui se obliquè carpi arbitrabatur, quasi plus æquo sibi arrogaret autoritatis, quod in sua vrbe Synodus celebraretur; de quo aliqd fuisse submurmuratum rescuerat. Quapropter fuscè copiose verba à se dicta purgare instituit, à quavis finistra voluntate Præfidi vellicandi; Illa se locutum non eo sensu, vt patratum aliquid exprobraret, sed quod longius arceretur, quod ex nimio dispucando æstu suboriri potuerat, si quid per illum excidisset, quod portentia postea causam præberet: id vero sèpius ab eo iteratum. Eius suas ibi res gestas ostendere nifus est, & in Synodus committere obsequij plenas, & ex animo profectas, cuicunque singulatione significandi.

Ad hæc Montanus: Quemadmodum, ait, libenter patiebantur à quocumque minoris notæ homine se priuatim corrigi, ita se velle Præfidis dignitatem publicè sustinere: minimè vero se magistris iubdi,

subdi, quales se geregant erga ipsum Paceus ac Madruccius: illis se tamquam dominis, sed non in eo loco, obsequium fateri. Dum admonebatur, ne quid excideret, cuius postea pœniteret, minarum speciem ab iis monitis præ se ferri: cum igitur ab omnibus communis dicendi libertas in Cœtu optaretur, eâ se quoque vti velle; adeoque disertè pronuntiare, nullum sibi Tridentini minus timorem incuti. Immeritò à se alios maiorem comitatem exigere, vt qui eam abunde præstissem: etenim cum Præsidibus superior se positusque à ceteris locus deberetur; duos tamen prope se admissos, vt secum & cum suis Collegis non federent modò, sed præsiderent, proinde se ab illis petere, vt intra suos quisque fines se contineret.

Eo verborum sonitu mirum in modum exarsit Paceus: Putare se infit, eam sibi, quippe tamquam Purpurato, sedem deberi; sed absque dubio debet sibi libertatem loquendi, cuius possessionem tueri statutum apud se esse.

Quod diutiū procedebat certamen, eò feruentius æstuabat, non absque Senatoria dignitatis dedecore, cum opus tandem fuerit, vt concors minorum Patrum vociferatio maiorum rixam verius quam disputationem abrumperet. Siquidem non modò complures per Christi viscera eos obsecrarent, vt commoti animi sensa sacrofanciæ Synodi gloriae immolarent, sed Petrus Tagliaua, Archiepiscopus Panormitanus, prouolutus in genua, coniunctis manibus, obortisque lacrymis idem supplex orauit; qui ob illud etiam singulare virtutis specimen meruit, vt à Montano, postea Romanam Secdem tenente, Purpurā ornaretur.

¹² Sedato itaque certamine, Massarellus, qui à Secretis Concilij erat, suffragationem superiori conuentu habitam retulit, in qua vigintiseptem incertum, vigintinouem certum diem Sessionis volebant. Præses & ob animi commotionem, & ob explicata liberiùs sensa nimis in controversiam progressus, adiecit rationibus aliás aductis ad suam sententiam propugnandam, tametsi minori assessorum numero suffultam: Cum iij vigintinouem inter se discordarent de eodem certo die stabiliendo, sicut dictum est, eos certè in unam eamdemque sententiam omnino firmandam non coire, sed in variis diuidi, quarum singulis pauciora fauebant suffragia, quam quæ sententiam de incerto die complectebantur: atque utcumque res esset, Ceruinum expectandum breui reuersurum, & cum eo delibrandum. Ita dimisso Cœtu, antequam Patres abirent, voluit Paceus per Christianæ prudentiae specimen abstergere si quid Legati animum offenderat dicto, & Patrum aures exemplo: rogauitque

Pars I.

Aaaa Monta-

1546. Montanum, ut sua verba æqui boniæ confuleret, sibi que, si quidquam eum laetisset, condonaret. Cui alter solâ capitîs inclinatione respondit. Giennensis virtutem Madruccius est imitatus; cui pariter caput leui flexu Legatus inclinauit, nullo adiecto verbo. Tum verò Madruccius, Germani Principis actus spiritu, & huiusmodi supercilij prorsus impatiens, *Mea*, subiecit, *dicta quocumque liberi modo accipo: nam mē nihil refert; ego quippe nobilis tandem sum.* Hic tamen linguae lapsus excusationem aliquam vtique meretur; nulla enim iniuria animum altius ferit, quam vbi despicitur ab elatori aduersari fronte is, qui ex urbanitate se illi submittebat. At ignorabat ipse, post paucos annos futurum, ut eumdem in Solio adoraret, eiusque pedes deoscularetur, cui tunc obliquè ignobilitatem exprobrabat. Quæ sanè exprobratio nimis acerba contingit: quippe quæ tametsi ad interiore labem, vel à nostra culpa profectam, haud spectet, adeoque apud sapientes viros existimationi nihil derogat; tamen nostram quamdam maculam ostentat; imaginariam quidem, sed quæ nos apud opinionem vulgi contemnendos reddit, quæque in vniuersam progeniem diffunditur, neque deleri potest tanto temporis spatio, quanto nobis vita deletur. Tum verò ictus humi-modi acerbitas augetur, cum contumelia nec omnino falsa est, adeoque aspernabilis; nec omnino vera, adeoque tolerabilis. Quod in Montano planè accidebat, cur & hinc nobilitas affundebatur à Patrii splendore, non Purpurati modò, sed inter Purpuratos suæ virtute conspicui; & hinc adeò recens ea nobilitas accelerat, ut cognomen vñà cum origine traxerit à S. Sabini monte, vulgar opidulo Tusciæ, gentili cognomento *Gioccorum* relicto.

Quapropter improviso probro intimè exulceratus, respondit: *Si tu es nobilis, haud equidem ignobilis sum: sed illò pergam, ubi nobiles mibi imponere non posint.* Ita inflammati iracundia abierte; variis pro ingeniorum varietate excitatis studiis, in aliis formidandi, in aliis incusandi, in aliis excusandi, in aliis praesagiandi, in cunctis dicandi.

C A P V T VIII.

Iterum agitur de translatione Concilij: & Cæsaris repugnatia.

Hic euentus, in Legatorum animis altius fixit sedis mutandæ consilium; cum ibi non minus ab exteriore hostium discrimine, quam ab interiore Domini auctoritate perturbarentur. Quare Ceruinus, qui, vtpote extra certamen, purgatoris men-

